



## IZVJEŠTAJ ZA ROTARIJANSKU 2014/15

Predsjednik: Jasminko Murselović

Nadolazeći predsjednik: Adnan Jusufović

Sekretar: Emir Buljubašić

Blagajnik: Enida Imamović

Poštovani sponzoriski Rotari klubovi Rotarakt kluba Lukavac, želio bi da Vas srdačno pozdravim. U nastavku Vam donosimo hronološki pregled naših aktivnosti i projekata u protekloj rotarijanskoj godini.

Nakon zvaničnog preuzimanja dužnosti predsjednika Rotarakt kluba Lukavac, 01.07.2014., naš klub je brojao 18 članova. Danas imamo 22 aktivna člana i mnoštvo realizovanih akcija i projekata kao i sklopljenih prijateljstava kako sa Rotarakt klubovima iz BiH tako i sa klubovima distrikta, multidistrikta, susjednih zemalja pa i daleke Amerike što smatramo najvećim bogatstvom našeg kluba.

U tom svjetlu, naša priča sklapanja prijateljstava kreće 20.07.2014. iz Banjeluke kada smo prisustvovali Rotaract Rafting Weekendu u organizaciji Rotarakt kluba Banja Luka gdje smo se sprijateljili i pobaljšali odnos sa Rotarakt klubom Banja Luka i Tuzla 99 te ostvarili kontakt sa Rotarakt klubom Metropoliten Beograd.

Svi znamo da je iza nas godina koju su obilježile nezapamćene poplave, stoga smo 27.07.2014., kao partneri, učestvovali u realizaciji projekta našeg Rotari kluba prilikom čega smo uručili vrijednu donaciju za 10 unesrećenih porodica. Dakle, radi se o donaciji namještaja i bijele tehnike koja je, nadamo se, u velikoj mjeri pomogla povratku normalnom životu i normalnom funkcionisanju tih porodica.

09.08.2014. odazvali smo se na poziv za učešće na „Annual District 5420 Rotaract Conference“ koja je održana u Westminster koledžu u Salt Lake City-u, Utah, SAD. Naši članovi su konferenciji prisustvovali putem Skype-a. Konferencija je imala internacionalni karakter, pa su pored domaćina Mid-valley Rotarakt klub iz Salt Lake City-a, učešće uzeli i Cordova Rotarakt (Argentina), Vigo Spain Rotarakt (Španija) i Cairo Rotarakt (Egipat), te naši Rotarakt i Interakt klubovi.

24.08.2014. – U saradnji sa našim Interakt klubom te KK "Radnički" Lukavac i Omladinskom bankom Lukavac renovirali smo poligon za basket ispred srednjoškolskog centra u Lukavcu te održali drugi po redu „Rotary Cup – Lukavac 2014“.

30.08.2014. – Posjetili smo Doboju i Maglaj. Razlog naše posjete ovim gradovima bila je i realizacija projekta „Pomoć poplavljenim bibliotekama u Doboju i Maglaju“. Projekat je rezultat dobrog rada i timskog duha cjelokupne Rotari zajednice iz Lukavca. U okviru ovog projekta realizovane su brojne ulične akcije, koje su imale za cilj da animiramo i podstaknemo građane Lukavca da daruju svoje knjige kako bi se obnovio bibliotetski fond u navedenim gradovima. I ovom prilikom smo naišli na neočekivano dobar odziv građana Lukavca. Drugi dio projekta ogledao se u kupovini knjiga, što je bila donacija Rotari distrikta 1910. Ovim projektom je dvjema bibliotekama poklonjeno preko 500 knjiga.

21.09.2014. - Naš Rotarakt klub bio je dio projekta Ege Rotarakt kluba (Turska), povodom Međunarodnog dana mira pod sloganom "Mir u zemlji, mir u svijetu". Ovaj projekat je realizovan u vidu kratkog filma, koji možete pogledati na narednom linku (<https://www.youtube.com/watch?v=7oDyHy7Y1z4>). Naš skromni doprinos je na 1:10.

Svi znamo da se 24. oktobar u svijetu obilježava kao "World Polio day" ili "Dan borbe protiv dječje paralize". U saradnji sa našim Rotari i Interakt klubom smo drugu godinu za redom organizovali prikupljanje sredstava za kupovinu vakcina a samim time podržali najveći Rotary International projekat pod nazivom "END POLIO NOW". U sklopu ovog projekta još smo realizovali i fotografisanje sa motivom „We are this close to ending polio“ i te fotografije su služile kao profilne slike na našim profilima na društvenim mrežama.

01.11.2014. - Prijateljstvo između Rotarakt kluba Lukavac i Rotarakt klub Salt Lake krunisano je zajedničkim projektom „Move the world forward“. Prikupljena sredstva na svom tradicionalnom "raising funds" turniru u odbojci Rotarakt klub Salt Lake je udružio sa trenutno raspoloživim sredstvima Rotarakt kluba Lukavac koja su iskorištena za nabavku linoleuma i didaktičkog materijala čime su poboljšani higijenski uslovi i omogućen nesmetan svakodnevni rad obdaništa za djecu sa autizmom i posebnim potrebama "Mali Svijet" Lukavac. Ovaj projekat je ujedno i proglašen za najbolji Rotarakt projekat u distriktu 5420 u rotarijanskoj 2014/15 godini.

29.11.2014. - Članovi Rotarakt kluba Lukavac prisustvovali su drugom po redu sastanku Rotarakta BiH a koji se održao u Lovačkom domu „Stara Majeвица“ u organizaciji Rotarakt klub Tuzla 99.

U subotu 6.12.2014. realizovan je i projekat renoviranja učionica u Obdaništu Lukavac gdje su nam pružili pomoć članovi Rotari i Interakt kluba Lukavac što još više daje na značaju ovom projektu jer su svi radovi proizvod rada ruku članova naše Rotari porodice, od sastavljanja i postavljanja novih polica, krečenja zidova, postavljanj linoleuma u jednu od učionica do kupovine kutija/korpi za igračke. Projekat je finansiran zajedničkim sredstvima Rotarakt kluba Lukavac i Fondacija Tuzlanske Zajednice - Omladinska Banka Lukavac u sklopu projekta "Budi junak svoje zajednice!".

16.12.2014. – Članovi Rotarakt kluba Lukavac prisustvovali su druženju pod nazivom „Rotary bal“ u organizaciji Rotari i Rotarakt kluba Tuzla 99.

30.12.2014. – Rotarakt klubom Tuzla 99 ukazao nam je povjerenje i pozvao nas da budemo partneri na njihovom projektu podjele novogodišnjih paketa za djecu koja dolaze iz porodica slabijeg

imovinskog statusa. Ovom akcijom obradovali smo 100 mališana sa područja cijele opštine Lukavac. Pokloni su donacija „Johanniter-Unfall-Hilfe“ iz Njemačke.

30.01.2015. – Članovi Rotarakt kluba Lukavac prisustvovali su trećem po redu sastanku Rotarakta BiH čiji je inicijator ADRR Amir Zonić a koji se održao u Banja Luci.

21.02.2015. – Članovi našeg kluba prisustvovali su u projektu „Rotary Global Swimathon“ koji je tradicionalni projekat Rotarakt kluba Tuzla 99.

04.03.2015. posjetili su nas trenutni i prošlogodišnji distriktni guverneri, gosp. Wolfgang Stalzer i gosp. Heinz Schwarzl. Tom prilikom smo im prezentovali sve naše projekte i aktivnosti te nam je uručeno priznanje Rotari distrikta 1910 za uspješnu implementaciju projekata i pomoći ugroženim od poplave.

02.04.2015. - Rotarakt klub Lukavac, u suradnji sa UG „Mali svijet“ i Mrežom udruženja "Autizam Danas" je na Trgu Bremena organizovao uličnu akciju koja je imala za cilj podizanje svijesti o Autizmu. Mališani iz autističnog spektra pustili su u nebo 50 plavih balona, u isto vrijeme kada su to učinili njihovi vršnjaci i prijatelji iz Doboja, Zenice i Sarajeva.

08. - 10.05.2015. - Rotarakt i Interakt Klub Lukavac proslavili su svoj prvi rođendan, odnosno prvu godišnjicu čarterovanja i prijema u Rotari porodicu. Na trodnevnu proslavu pod nazivom "Soda Rotaract Weekend" stigli su prijatelji iz Rotarakt kluba Tuzla 99, Rotarakt kluba Sarajevo, Rotarakt kluba Banja Luka te Rotarakt kluba Tuzla čime su svojim prisustvom uveličali naš prvi rođendan. U okviru čega je i upriličen četvrti po redu sastanak Rotarakta BiH.

23.05.2015. – Naš nadolazeći predsjednik i nadolazeći sekretar prisustvovali su PETS/SETS seminaru u Banja Luci.

30. – 31. 05.2015. - Članovi Rotarakt kluba Lukavac učestvovali su na godišnjoj konferenciji Rotari Distrikta 1910 i proveli nezaboravan vikend u Beču.

08.06.2015. – U suradnji sa Crvenim krstom/križom Lukavac organizovali smo „Kino pod zvijezdama“ i naišli na nevjerovatno dobar odziv i feedback od strane posjetilaca ovog eventa.

13.06.2015. – Članovi našeg kluba prisustvovali su Rotary Gala Ball-u u organizaciji Rotarakt kluba Sarajevo koji je imao za cilj pomoć Specijalnoj olimpijadi BiH.

23.06.2015. – Izvršena je i službena primopredaja dužnosti novom upravnom odboru u sastavu:

- predsjednik: Adnan Jusufović,
- nadolazeći predsjednik: Armin Mehinović,
- sekretar: Emir Buljubašić,
- blagajnik: Enida Imamović,
- kordinator za odnose sa rotarijanskom zajednicom: Azra Kovačević, i
- direktor klubskog servisa: Irma Hodžić.

S poštovanjem,

Jasminko Murselović, predsjednik RAC Lukavac 2014/15  
Lukavac, 24.06.2015.